




國家圖書館, NATIONAL CENTRAL LIBRARY, TAIWAN, R.O.C





國家圖書館, NATIONAL CENTRAL LIBRARY, TAIWAN, R.O.C.



北狩見聞錄

保信軍承宣使知開門事魚容者四方館事臣曹勗編次

靖康二年二月初七日晨起 徽廟在葉珠殿包進密報

李石周訓吳玠莫儔來奏事即引對石奏曰皇帝令居上

皇皇帝即淵聖也緣金人堅欲上皇出郊前次雖已得辭今又請

到南薰門殿舍拜表乞皇帝歸若表到寨中皇帝便可歸

內金人意欲成本朝一段好事懇請亦無他意又密奏曰

得旨爹爹孃孃請便來不可緩恐失事機 徽廟沈吟曰

軍前別無變動否卿無隱也朕爵祿卿等至此無以小利


誤朕大事苟有他變我亦孽劃恐徒死無益石等曰倘或

不實甘受萬死 徽廟曰朝廷既不令南去又圍城時聲


替我不令知以至於此今日之事妄舉足則不可卿等無

隱石曰不敢亂奏 徽廟即令中使請 顯肅皇后時后

已到拱宸門外辦被稷厨檐邀 徽廟同行后與 徽廟




NATIONAL CENTRAL LIBRARY, TAIWAN, R.O.C



七

語少刻即索道服徽廟尋常只着道服欲出姜堯臣等進曰雖云邀駕只在門裏第恐虜情詐僞不測更宜聖裁此足似未可移 徽廟曰適皇后在禁中得官家語今暫到門首端的如此怎不去得內人與近侍皆大哭 徽廟曰縱或有非意亦知此事終在若以我爲質得官家歸保宗社亦無辭第恨我揖遜如禮退處道宮朝廷政事並不與聞惟一聽命未嘗犯分自處若此獲報乃爾有媿昔人多矣顧左右曰從我者聽左右皆泣從又取常御佩刀令丁孚佩之乃乘肩輿與 顯肅皇后出迤福宮由晨輝門而出將至南薰門雙扉俱啓 徽廟曰此必番使迂方欲回西就殿舍導從圍掩車輿出門 徽廟頓足輿中曰事果變矣呼丁孚取佩刀而孚出門時已爲金人搜去至東御園門有番使來傳二帥起居云到寨食罷相見簾端視久之番使乃昔嘗奉使本朝者申初到南郊齋宮止於大王位從人皆

擱於西城門外並不許隨從惟姜堯臣徐中立丁孚勛得在左右虜人目爲祇候人 徽廟到郊宮虜人遣代太師沙少師等三人來奏 徽廟取向日張珪投降本朝文字并張珪緘首一宗處分 徽廟對來使云當日張珪降初未有不受之約故受珪不疑繼得山西軍前移文要珪即斬首以獻不謂細故上國指以爲釁今城破國亡禍變及此何文字之有况已嘗移文上國死生一切惟命不必以此爲目也虜唯唯自後更不復來取全國凡有計議只在淵聖皇帝御前奏稟隔數日一遣人起居 徽廟在寨二十餘日 徽廟自製劄子一通令與相國其畧云頃以海上之盟謂歡好可以萬世嘗招收張珪繼蒙須索即令戮以爲獻意罪不至甚而大兵踵來乃指爲釁某即遜位避罪南下歸後塊處道宮恬養魂魄未嘗干與朝政而奸臣伺隙離間父子雖大兵南來亦不相聞報致煩天討宿




甲臨城至城破時始知以三關敗約所致蓋嗣子不能奉承大國之約其亦失義方之訓事遽至此咎將誰執尚有血誠祈回洪聽其願以身代嗣子遠朝關庭却令男某等乞一廣南煙瘴小郡以奉祖宗遣祀終其天年某即甘斧鉞一聽大國之命誠迫意切顛待台令劄子去後二日有番使來云承示文字但三關之盟初不佳地止說子孫不紹社稷傾危雖承劄子却不敢背元約更容取上伴指揮請上皇心下不要煩惱但且寬心抱此劄子 徽廟令附進南京行在訖 徽廟又製奏表自即位遜位凡宮禁深密外廷政事之失一一剖析深夜焚之是夕 徽廟夢與太后同載入宣德宮奏樂整肅覺來猶聞其餘聲音至晚令報 后知三月初七日聞張邦昌僭位 徽廟曰邦昌若誓死節則社稷增重今尸君之位猶且庶幾但所繫至重既立異姓則吾事決矣因泣下沾襟明日臣下有進

詩者曰伊尹定歸商社稷霍光終作漢臣鄰 徽廟且讀且罵曰待其歸商興漢則吾已在龍荒之北矣不達事機猶有如此者先是三月二十九日有語分路去 徽廟同二太子由河北路 淵聖同國相由河東路約會於燕京是日 淵聖欲肅王同行肅王同行肅王堅辭云去歲奉旨出使不曾避免久違膝下泣請甚確始得免去復以岐王從行以肅王曾奉使虜中人情綏熟故要同去次日 徽廟率 淵聖二后諸王妃嬪帝姬駙馬等望城中辭違宗廟 徽廟伏地氣塞不能起景王掖起之六宮無長少俱哭震秦檜門動虜人說此日日色昏慘風聲如號移時方止是晚報來日啓程 淵聖同 皇后太子來拜違泣下別去自別不知見四月初一日起程分路劉家寺初見二太子又要 顯肅皇后以下妃嬪諸王妃姬皆出現席地坐定遣王訥譯奏 徽廟云自古聖賢之君無過堯舜



猶有揖遜歸于有德歷代革運這事上皇心下嚙理會得
本國比叔契丹所得嫡妃兒女盡分配諸軍克賞以上皇
昔有海上之恩甚厚今盡令兒女依舊相隨服色官職一
皆如故因勸酒曰事有遠近且放心必有快活時 徽廟
但致謝曰當日爲兄弟今日爲因虜豈非運數尚賴太子
保佑全活千口近嘗求代嗣子遠朝大國望爲主張太子
曰上伴不肯 徽廟曰兩朝主盟惟某獲罪非將相之過
寔某罪在天故請以一身仰答天譴願不及他人太子曰
此意甚好莫到燕京別有文字來於是酒五行二太子面
請王婉容位帝姬與黏罕次子作婦許之飯罷歸寨自此
不相見但日送雞兔魚肉酒果 徽廟答以病在車中無
心飲酒食願早承來音燕王途中以乏食薨背殮以槽猶
露雙足就寨外焚化 徽廟勅令人堅欲勢行 徽廟止
晚至 徽廟伏其骨哀甚曰吾行且相及時執兵虜人亦

皆泣下過洛州二太子請 徽廟看圍場飯後遣馬并紫
繖來迎同行於田野中看圍獵已而馬皆負所得狐兔忽
有二人在 徽廟馬前立太子指曰此上皇故臣郭藥師
張令徽參見二人皆再拜令徽即退藥師獨扣馬跪奏曰
念臣昔與上皇爲君臣向在燕京死戰數回力不能勝遂
歸金國有負上皇恩德言訖淚下又再拜 徽廟宣諭曰
天時人事理合如此但當日欠一死節太子曰藥師忠
於南朝 徽廟曰藥師未嘗抗禦大兵而收功過厚養
至此卒貽大禍太子曰此人不忠於天祚則必不忠於南
朝 徽廟曰是是 徽廟過河數日宣諭曰我夢四日並
出此中厚原爭立之象不知中原之民尚肯推戴康王否
臣曰本朝德澤在民至深至厚今雖暫立異姓終必思宋
不肯歸邦昌幸寬聖念又曰我夢想不忘第記此夢次日
宣諭臣曰我左右惟爾後生健步又備知我行事與我持



信尋康王庶知父母繫念於彼及此行難艱勅曰仰賴天威可以伺便冒圍而出願不辱命得達聖心是晚下程微廟出御衣三視一領俗呼背心折領寫字於領中曰可便即真來救父母并押計九字復縫如故付臣勸又索於懿節皇后得所戴金耳環子一隻雙飛小蝶珠俗名圓高飛云是今上皇帝在藩邸時製以為的驗及皇太后信令臣勸見上奏之詔語丁寧且泣且囑曰無忘吾北行之苦又以拭淚白紗手帕子付臣曰見上深致我思念淚下之痛父子未期相見惟早清中原速救父母此外吾不多致語言氣已哽吾顫矣到燕山爾乃去懿節皇后初取釵子與沈押班令付臣曰到時傳詔語大王願早如此環遂得相見并見吾父幸道無恙皇太后以下皆哭微廟聖訓曰如見上奏有可清中原之謀悉舉行之無以予為念且保守宗廟洗雪積憤又宣諭曰藝祖有約藏于太廟

誓不誅大臣用宦官違者不祥故七聖相襲未嘗輒易每念靖康中誅罰為甚今日之禍雖不止此要知而戒焉微廟又令奏上云恐吾宋之德未泯士眾推戴時宜速應天順民保守取自家宗廟若不勉順記得光武未立事否又宣諭曾密賜上馬價珠犀合子等物又上曾說欲決河灌渡河者人等事以為密驗臣在虜寨臨行日恭奉皇太后宣諭令奏上曰主上再使軍前欲就鞍時時二后泊宮人送主上至廳有幼女名招兒見四金甲人狀貌雄偉各執弓劍擁衛上體女指示眾眾雖不見然莫不畏肅太后當時悟曰我事四聖香火謹謂京師四聖觀必有陰助今陷虜中愈更處事自後夜深必四十拜乃止更令奏上宜嚴崇奉以答天既臣扈從時太后未知主上即位嘗用象戲局子裏裹以黃羅書康王字貼於將上焚香禱曰今三十子俱擲於局若康王字入九宮者主上



TIFFEN Color Control Patches © The Tiffen Company, 2007

微廟看打毬自二太子以下皆入毬場 微廟與肅皇
后在廳上看打毬罷行酒少頃侍中劉彥宗具傳太子之
意跪奏云聞 上皇聖學甚高欲覓一打毬詩其詩頗恭
微廟曰自城破破以來無復好懷遂作一詩寫付彥宗
曰錦袍駿馬曉分明一點星馳百騎奔奪得頭籌酒正過
無令綽撥入邪門詩家語彥宗捧讀稱嘆即與太子
又番語似講解其義太子點頭令諷誦數過乃起謝 微
廟亦謝其恭也 二聖既出城郭於南郊大王位虜排長
木為障障外有兵每數步一窺容人看外外亦窺內虜日
以肉菜米麪內人相博易聞語曰南朝有兵到某所矣次
又曰主上提兵十萬在河北每金人車馬過河即奪去大
軍所以未敢離此語訖即故睨左右如金人旁來之狀色
有畏而不敢留者人逆以奏上衆皆喜為不日救至又數
易倚墻器械却用郊禮畫木槍戟復有病入如傷中包裹

必得天位一擲其將果入九宮他子皆不近 太后手加
頌喜甚臣下拜即奏 微廟大喜復令謂 太后曰瑞卜
昭應異常便可放心卿等可賀我臣等皆再拜 太后因
以此子代將不易道過堯山縣進早膳有燕人百餘人守
微廟所乘車語臣曰 上皇活燕民十餘萬人我輩老
幼感恩不已願識天表因具以奏 微廟為招簾見之皆
羅拜曰 皇帝活燕人十餘萬陰德甚多即見回鑿不涸
憂抱 微廟曰汝等知當時救護之力耶吾獲謗不少今
困阨反甚於汝輩無食時豈非天也燕人各嗟惋而去
微廟在路中苦渴令摘道傍桑葢食之語臣曰我在藩邸
時乳媪曾取此因取數枚食甚美尋為媪奪去今再食而
禍難至此豈非桑實與我終始邪至真定府 微廟乘馬
與二太子並騎入門前有引旗寫 太上皇帝府中兩街
居人見旗皆慟哭虜人不較也舍於府園淨淵莊午門請




臥於墻下云西南有錢相公兵四五萬來刀槍將去陣
上強壯人皆往迎敵會天大風喬貴妃製絳紅袍備緩急
兵至即以衣 徽廟爲出奔之計每十數日即他語一新
柵中觀聽臨行猶傳有兵相尾然了無來音後乃知計姑
於緩 聖心及愚衆入虜謀多此類 徽廟北狩日乘平
日宮人所乘牛車牛五頭兩虜牽駕不通華語次 顯肅
皇后次厨及本殿一行內人車仗計八百六十餘量自過
河經濟州城外虜騎約攔百姓不得看惟賣食物數人近
前臣以銀二兩博換飲食賣人知是 徽廟即盡以炊餅
藜菜之類上進反銀而去自過此州即行生路步人斫窠
木騎軍曳枝梢水淺則填以爲柴路深則疊以爲角道陔
涉荒迥旬月不見屋宇夜泊荆榛或桑木間艱難不可言
雖大雨亦行泥深沒脛車牛皆屢死壞亦不容補死就鬻
其肉而去人行稍後則落後軍馬從而勦除至暮下程即

以車前轅內嚮逸三而亟如射帖又斫枝梢繚以爲鹿角
持兵備外嚴於出入旋鑿井及打柴草分給造飯然近水
處終不肯住坐一行苦乏水遲飯大半委頓自後習知遇
有水處即逐車房院內人各下車取水負薪而從自後稍
得趁明造飯飯罷即支散路糧 徽廟 顯肅皇后共破
一羊粟一斗諸王帝姬及閣分或四位破一羊或六位破
一羊米則計口人給二升惟 皇太后 懿節皇后別有
館伴二人早暮必來瞻見 聖容如未見須候見乃退餘
房院無館伴至真定府方得入城歇泊兩日盡換牛乃蓋
自京至真定牛多無草喫極疲悴死者十四五至是故換
過真定府中山行稍緩日亦行五六十里臣勦向在龍德
宮因奏事宜春殿間暇恭承 徽廟宣諭四事亦附于后
徽廟在繼祚時晝臥忽臥處屋棟中折欲墮復縋其聲
達前殿乳媪急抱 徽廟起梁即墮所臥榻上 哲宗晏




駕 太皇使縛秦玠等二侍醫於寧福殿前將付有司已
而迎 徽廟入立二醫見 徽廟過驚曰此八彩之眉一
人之尊也使王趣上於後安能久邪左右因以奏 太皇
太皇釋之政和丁酉 徽廟夢虜人數百列坐宣和殿
下既寤不自得因令禁止着裝宣和間燕入歸朝因曲宴
郭藥師政趙政韓正等數輩復令近侍列坐宣和殿下以
禳之宣和七年南郊是日陰重侍衛寒肅薄晚 徽廟密
祈晴霽不食頃陰雲自卷從北去東西一縷雲收之痕如
界移時天地清徹星斗燦然 徽廟顧侍衛者曰從郊祀
未有景眈若是之異者遂製稱謝密詞曰雨雪未沾念密
雲之直上馨香旁達徹夕月之當中





國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C





國家圖書館, NATIONAL CENTRAL LIBRARY, TAIWAN, R.O.C.



